

包刑侍詩集目錄

藏園校

起居舍人延陵

包何

幼嗣群書

送泉州李使君

和孟虔州齋居

淨律院椀子樹

同閻伯均宿道觀

送烏程王明府貶巴江

同班韋二員外詠秋苔

送王汶宰江陰

和苗員外寓直中書

闕下芙蓉

江上田家

送韋侍御催青苗錢

和程員外東郊即事

賦得隔簾見春雨

相里使君第七男

尋李方直不遇

留別鄧使君

寄楊侍御

賦得秤送孟孺卿

包刑侍詩集目錄

包刑侍詩集

何融之子與弟佶齊名

起居舍人延陵包

何幼嗣

送泉州李使君之任

英華作送李使君赴泉州

傍海皆荒服分符重漢臣雲山百粵路市井十洲人執玉來朝遠還珠入貢頻連年不見雪到處即行春

和孟虔州齋居

英華作處州開齋即事

古郡鄰江嶺公庭半薜蘿府寮闌不入山鳥靜偏過睥睨臨花柳欄杆枕芰荷麥秋今欲至君聽兩岐歌

三 同李郎中淨律院梳子樹

木梳稀難識沙門種則生葉殊經寫字子為佛
稱名瀘水澆新長燃燈暖更榮亭亭無別意只
是勸修行

同閻伯均宿道觀有述

南國佳人去不迴洛陽才子更須媒綺琴白雪
無心弄（英華作情蕙）羅幌清風到曉開冉冉修篁依戶
牖迢迢列宿映樓臺縱令奔月成仙去且作行
雲入夢來

送烏程王明府貶巴江

一片孤帆無四鄰北風吹過五湖濱相看盡是
江南客獨有君為嶺外人

同舍弟佶班韋二員外對秋苔成詠

每看苔蘚色如向簿書閑幽思纏芳樹高情寄
遠山雨痕連地綠日色出林班却笑興公賦臨
危滑石間

送王汶宰江陰

此郡（英華作郡北）乘流去花間竟日行海魚朝滿市江
鳥夜喧城止酒非關病援琴不在聲應緣五斗
米數日滯淵明

和苗員外寓直中書

朝列稱多士君家有二難貞一作直為臺裏柏芳作
省中蘭夜宿分曹間晨趨接武歡每憐雙闕下
鴈序入鴛鸞

闕下芙蓉

一人理國致昇平萬物呈祥助聖明天上河從
闕下過江南花向殿前生慶雲垂蔭開難落湛
露為珠滿不傾更對樂懸張篋簾歌工欲奏採
蓮聲

江上田家

近海川原薄人家本自稀黍苗期臘酒霜葉是
寒衣市井誰一作雖相識漁樵夜始歸不須騎馬問
恐畏狎鷗飛

送韋侍御奉使江嶺諸道催青苗錢

近遠從王事南行處處經手持霜簡白心在夏
苗青迴鴈書應報愁猿客屢聽因君使絕域方
物盡來庭

和程員外春日東郊即事

郎官休浣憐遲日野老歡娛為有年幾處折花
驚蛛夢數家留葉待蠶眠藤垂宛一作委地縈珠

履泉迸作長侵堦浸綠錢直到閉關朝謁去鶯聲不散柳含煙

九 裴端公使院賦得隔簾見春雨

細雨未成霖垂簾但覺陰唯看上砌濕不遣入簷深度隙霑霜簡因風潤綺琴須移戶外屨簷溜夜相侵

十四 相里使君第七男生日

娶妻生子復生男獨有君家衆所談荀氏八龍唯欠一桓山四鳳已過三他時幹蠱聲名著今日懸弧宴樂酣誰道衆賢能繼體須知箇箇出

於藍

十六 同諸公尋李方直不遇

聞說到揚州吹簫憶舊遊人來多一作都不見莫是

上迷樓

十 婺州留別鄧使君

西掖馳名久東陽出守時江山婺女分風月隱侯詩別恨雙溪急留歡五馬遲迴舟映沙嶼未遠剩相思

十八 寄楊侍御

一官何幸得同時十載無媒獨見遺今日不論

晉下組請君看取鬢邊絲

十一 賦得秤送孟孺卿

願以金秤錙英華作錙秤因君贈別離鉤懸新月吐衡

舉一作直衆星隨掌握須平執錙銖必盡知由來投

分審莫放弄權移

補遺一首 見唐詩類苑

十五 長安曉望寄崔補闕

迢遞山河擁帝京參差宮殿接雲平風吹曉漏
經長樂柳帶晴煙出禁城天淨笙歌臨路發日
高車馬隔塵行自憐久滯注諸生列未得金閨籍

姓名

包刑侍詩集

明初活字本九行十七字莫楚生所藏癸丑三月校沈坤

振明抄本校次第与此刻同是補遺一首乙卯八月記



包祕監詩集目錄

祕書監丹陽郡公包

佶 幼正

荅竇拾遺見寄

對酒贈故人

伏日口號

卧疾寄劉長卿

戲題諸判官廳壁

酬李侍郎晚過

昭德皇后挽歌

秋日過徐氏園林

雙山過信公所居

獻尚書宗兄

抱疾謝李吏部

和柳相公言懷

酬于侍郎湖南見寄

朝拜元陵

發襄陽後寄公安人

立春後休沐

宿廬山贈劉尊師 觀壁畫九圖

送日本晁巨卿東歸 顧著作宅賦詩

近獲風痺題寄所懷 和常閣老即事

酬顧況見寄 歲日作

再過金陵 元日觀百僚朝會

祀風師樂章五 祀雨師樂章五

包祕監詩集目錄

包祕監詩集 天寶六年禮部侍郎李巖下及弟

祕書監丹陽郡公包 估 幼正

十九 荅竇拾遺卧病見寄

今春扶病移滄海幾度承恩對白花送客屢聞

簷外鵲銷愁已辨酒中蛇瓶開枸杞懸泉水鼎

鍊芙蓉伏火砂誤入塵埃牽吏役羞將簿領到

君家

對酒贈故人

扶起離披菊霜輕喜重開醉中驚老去笑裏覺
愁來月送人無盡風吹浪不回感時將有寄詩

思澀難裁

二 同李吏部伏日口號呈元庶子路中丞
火炎逢六月金伏過三庚幾度衣裳澣誰家枕
簞清頒冰無下位裁扇有高名吏部還開甕殷
勤二客情

十一 嶺下卧疾寄劉長卿負外

唯有貧兼病能令親愛踈歲時供放逐身世付
空虛脛弱秋添絮頭風曉廢梳波瀾喧眾口黎
藿靜吾廬喪馬思開卦占鴉嬾發書十年江海
隔離恨子知予

二十二 戲題諸判官廳壁

六十老翁無所取二三君子不相遺願留今日
交歡意直到隳官謝病時

三 酬兵部李侍郎晚過東廳之作

時任刑部侍郎拜國

子祭酒

酒禮慙先祭刑書已曠官詔馳黃紙速身在絳
紗安聖位登堂靜生徒跪席寒庭槐暫搖落幸
為入春看

四 昭德皇后挽歌詞

西汜馳暉過東園別路長歲華唯隴柏春事罷

公桑龜兆開泉戶禽巢閉畫梁更聞哀禮過明
詔制心喪

五 秋日過徐氏園林

回塘分越水古樹積吳煙埽竹催鋪席垂蘿待
繫船鳥窺新罅栗龜上半欹蓮屢入忘歸地長
嗟俗事牽

六 雙山過信公所居

遙禮前朝塔微聞後夜鐘人間第四祖雲裏一
雙峯積雨英華作雪封苔徑多年亞石松傳心不傳法
誰可繼高蹤

尚書宗兄使過詩以奉獻

洛下交親滿歸閑意有餘番嫌舊坐宅却駕所
一作懸車腹飽山僧供頭輕侍婢梳上官唯揖讓
半祿代耕鉏雨散三秋別風傳一字書勝遊如
可繼還欲並園廬

抱疾謝李吏部贈訶梨勒葉

一葉生西徼齋來上海查歲時經水府根本別
天涯方士真難見商胡輒自誇此香同異域看
色勝仙家茗飲暫調氣梧丸喜伐邪幸蒙祛老
疾深願駐韶華

奉和柳相公中書言懷

運籌時所貴前席禮偏深
羸駕歸貧宅歆冠出禁林
鳳巢方得地牛喘最關心
雅望期三入東山未可尋

酬于侍郎湖南見寄十四韻

桂嶺千崖斷湘流一派通
長沙今賈傅東海舊于公
章甫經殊俗離騷繼雅風
金閨文作字玉匣氣成虹
翰墨時無侶丹青夙在工
公作主恩留左掖人望積
南宮巧拙循名異浮沈顧位同
九遷歸上略略三已契愚衷
責謝庭中吏一作禮悲寬塞

上翁楚材欣有適燕石愧無功
山曉重嵐外林春苦霧中
雪花翻海鶴波影倒江楓
去札頻逢信回帆早掛空
避賢方有日非敢愛微躬

朝拜元陵

宮前石馬對中峯雲裏金鋪閉
幾重不見露盤迎曉日唯聞木斧扣寒松

發襄陽後却寄公安人

揮淚英華作涕送迴人將書報所親
晚年多疾病中路有風塵
王粲頻徵楚君恩許入秦
還同星火去馬上別江春

立春後休沐

心與青春背新年亦掩扉漸窮無相學惟避不
材譏積病攻難愈銜恩報轉微定知書課日優
詔許辭歸

宿廬山贈白鶴觀劉尊師

蒼蒼五老霧中壇杳杳三山洞裏官手護崑崙
象牙簡心推霹靂棗枝盤春飛雪粉加豪潤曉
漱瓊膏冰齒寒漸恨流年筋力少惟思露冕事

星冠

觀壁畫九圖

一世榮枯無異同百年哀樂又歸空夜闌烏鵲
相爭處林下真僧在定中

送日本國聘賀使晁巨卿東歸

上才生下國東海是西鄰九譯蕃君使千年聖
主臣野情偏得禮木性本含仁錦帆乘風轉金
裝照他所孤城開蜃閣曉日上朱輪早識來朝
歲塗山玉帛均

顧著作宅賦詩

幾年江海煙霞乘醉一到京華已覺不嫌羊酪
誰能長守兔置脫巾偏招相國逢竹便認吾家

各在芸臺閣裏煩君日日登車

十五 近獲風痺英華作痺之疾題寄所懷

病夫將已矣無可答君恩衾枕同羈客圖書委
外孫久來從吏道常欲奉空門疾走機先息歆
行力漸煩無醫能却老有變是遊魂鳥宿還依
伴蓬飄莫問根寓形齊指馬觀境制心猿唯借
南榮地清晨暫負暄

十六 奉和常閣老晚秋集賢院即事寄贈徐

薛二侍郎

祕殿掖垣西書樓苑樹齊秋煙凝縹帙曉色上

璇題門接承明近池連太液低踈鐘文馬駐繁
葉綵禽棲職美綸將綺榮深組及珪九霄偏眷
顧三事早提攜對案臨青玉窺書捧紫泥始歡
新遇重還借舊遊睽左宦登吳岫分家渡越溪
賦中頻歎鵬卜處幾聽雞望闕應多戀臨津不
用迷柏梁思和曲朝夕俟金閨

二十五 酬顧況見寄

干一作越城邊楓葉高楚人書裏寄離騷寒江鷓
鴒思儔侶歲歲臨流刷羽毛

二十六 歲日作

更勞今日春風至枯樹無枝可寄花覽鏡唯看
飄亂髮臨風誰為駐浮槎

再過金陵

玉樹歌終王氣收鴈行高送石城秋江山不管
與亡事一任斜陽伴客愁

元日觀百僚朝會

萬國賀唐堯清晨會百僚花冠蕭相府繡服霍
嫫姚壽色凝丹檻歡聲散一作微九霄御鑪分獸炭
仙管弄雲韶日照金觴動風吹玉珮搖都城獻
賦者不得共趨朝

祀風師樂章

迎神

大皞御氣句芒肇功蒼龍青旗爰候祥風律以
和應神以感通鼎俎脩饗時惟禮崇

奠幣登歌

旨酒告潔清蘋應候禮陳瑤幣樂獻金奏彈弦
自昔解凍惟舊仰瞻肸饗羣祥來湊

迎俎酌獻

德盛昭臨迎拜巽方爰候發生式薦馨香酌醴
具舉工歌再揚神歆入律恩降百祥

三十
亞獻終獻

管薌備玉帛陳風動物樂感神三獻終百神臻
草木榮天下春

三十一
送神

微穆敷華能應節飄揚發彩宜行慶迎送一作靈
駕神心饗跪拜靈壇禮容盛氣和草木發萌芽
德暢禽魚遂翔泳永望翠蓋逐流雲自茲率土
調春令

三十二
祀雨師樂章

迎神

陟降左右誠達幽圓作解之功樂惟有年雲輶
戾止灑霧飄煙惟馨展禮爰列豆籩

三十三
奠幣登歌

歲正朱明禮布元即玄制惟樂能感與神合契陰
霧離披靈馭搖裔膏澤之慶期於稔歲

三十四
迎俎酌獻

陽開幽蟄躬奉鬱鬯禮備節應震來靈降動植
求聲飛沈允望時康氣茂惟神之貺

三十五
亞獻終獻

奠既備獻將終神行令瑞飛空迎乾德祈歲功

乘煙燎儼從風

三十六

送神

整駕昇車望寥廓垂陰薦祉蕩昏氛饗時靈
 矧如在樂罷餘聲遙可聞飲福陳誠禮容備
 撤俎終獻曙光分跪拜臨壇結空想年年應
 節候油雲

補遺一首

見唐詩類苑

客自江南話過亡友朱司議故宅

交臂多相共風流憶此人海翻移里巷書蠹積
 埃塵奉佛棲禪久辭官上疏頻故來分半宅唯

是舊交親

包祕監詩集

明初活字本九行十七字 癸丑三月以莫氏借校一過

再過金陵七絕一首明活字本亦無

據明抄本校次第与此刻同字再過金陵及補遺一首以卯月

補

李嘉祐詩集序

右唐李嘉祐詩一卷以數本參校既定按嘉祐上元中嘗爲台州刺史大曆間又刺袁州今袁州之詩多在顧天台山水竒秀略無連絕發揮之可恨也李肇記王維漠漠水田飛白鷺陰陰夏木嘯黃鸝之句本之嘉祐而卷中亦不復見然中興間氣若南薰可錄無遺則當時所傳止此其放失已多矣郡之黃堂悉著唐刺史名氏至有百餘人能自表見者無幾嘉祐獨以詩可貴也因刺印以遺邦人後之君子盍自力於不

朽也與

建炎三年正月甲申郡守陽夏謝克家記

臺閣集目錄

袁州刺史李嘉祐

字從一或名從一

送韋邕歸鍾山

送盧貞外往饒州

送裴五歸京口

送嚴維歸越州

送杜士瞻

送裴宣城

留別毘陵諸公

送獨孤拾遺

韋郎中見餞

送崔侍御入朝

送司馬弟之任

裴侍御贈斑竹杖

送張觀歸袁州

餞五叔赴歙州

蔣山開善寺

晚發江寧呈嚴維

青陽館作

宴蔡明府西亭

送朱中舍

送竇拾遺

酬別李袁州二兄

送王端赴朝

有感寄從弟紆

量移宰江邑

和袁郎中上太尉

題靈臺縣山村

傷歎州陳二使君

送王正字

送房明府

春日歸中山

詠螢

同登重玄閣

夜宴南陵留別

送十九叔入秦

送李中丞楊判官

題武陵驛

至七里灘作

題前溪館

南浦渡口

暮秋遷客增思

寄錢起負外

寄王舍人竹樓

晚登江樓有懷

送蘇脩往上海

題韋潤州海榴

憶楚州史君弟

江上曲

贈王八衢

題王十九茅堂

送弘志上人

送崔十一弟

寄趙八

送陸士倫宰義興

和張舍人宿直

送韋九郎往濠州

送吉校書歸楚州

故相公挽歌二首

訪韓司空不遇

送嚴二擢第東歸

送冷朝陽及第歸

送辛法曹之任

遠寺鐘

送樊兵曹

送杜侍御還廣陵

送杜別駕之任

題裴十六東亭

題薦福寺一公房

送從侄端之東都

送王諫議

和秋夜寓直對雨

送從弟歸河朔

送崔貞外和蕃

送從弟尉吳縣

寄皇甫冉從弟紆

韋給事挽歌二首

和韓郎中翫雪

送王牧往吉州

廣陵送林宰

題遊仙閣白公廟

送鄭正則迎婦

傷吳中

夜聞江南賽神

雜興

古興

贈衛南長官赴任

還江陰途中作

送蔣侍御

寄裴明府

送夏侯審參軍

送袁貞外

送侍御叔歸朝

憶劉長卿

登楚州城望山村

送皇甫冉往安宜

晚發咸陽

早秋京口旅泊

送內弟閻伯均

遊鶴林寺

題道虔上人竹房

和杜相公新宅

酬路郎中見簡

酬皇甫侍御

酬劉七侍御

送韋司直西行

送上官侍御

送元侍御

秋朝木芙蓉

勅催赴江陰

九日

九日送人

送舍弟

白鷺

送從弟永赴任

春日淇上作

袁江口憶二郎中

送馬將軍

聞逝者自驚

江湖秋思

送從叔陽冰

送友人入湘

送裴貞外往江南

登秦嶺

送張唯儉秀才

送韋侍御

留別靈一上人

送客遊荊州

與鄭錫遊春

臺閣集目錄

臺閣集

袁州刺史李嘉祐

字從一或名從一

上

送韋邕少府歸鍾山

祁門官罷後負笈向桃源萬卷長開帙千峯不
閉門綠楊垂野渡黃鳥傍山村念爾能高枕丹
墀會一論

上

送盧貞外往饒州

爲郎復典郡錦帳映朱輪露冕隨龍節停撓得
水人早霜蘆葉變寒雨石榴新莫怪諳風土三
年作逐臣

六 送裴五歸京口

君罷江西日家貧爲一官還歸五陵去一作上只向
遠峯看暮色催人別秋風待雨寒遙知到三徑
唯有菊花殘

七 送嚴維歸越州

艱難只用武歸向浙河東松雪千山暮林泉一
水通鄉心緣綠草野思看青楓春日偏相憶裁
書寄剡中

八 送杜士瞻楚州覲省

風流與才思俱似晉時人淮月歸心速一作山花

入興新雲深滄海暮柳暗白田春共道官猶小
憐君孝養親

九 送裴宣城上元所居

水流過海稀爾去換春衣淚向檳榔盡身隨鴻
鴈歸草思晴後發花怨雨中飛想到金陵渚酣
歌對落暉

十 留別毗陵諸公

又作涪陽令丹墀忽再還淒涼辭澤國離亂到
鄉山北固灘聲滿南徐草色閑知心從此別相
憶鬢毛斑

上三 送獨孤拾遺先輩先赴上都

行春秋已晚桂檝逐寒煙轉曲遙峯出看濤極
浦連入京當獻歲封事更聞天日日趨黃閣應
忘雲海邊

上四 常州韋郎中見餞

主人馮軾貴送客汎舟稀逼岸隨芳草迴橈背
落暉映花雙節駐臨水伯勞飛醉與羣公狎春
塘露冕歸

上五 送崔侍御入朝

十年猶執憲萬里獨歸春舊國逢芳草青雲見

故人潘郎今髮白陶令本家貧相送臨京口停
橈淚滿巾

上六 送岳州司馬弟之任

岳陽天水外念爾一帆過野墅人煙迴山城鴈
影多有時巫峽色終日洞庭波丞相今爲郡應
無勞者歌

上七 裴侍御見贈斑竹杖

騷人誇竹杖贈我意何深萬點湘妃淚三年賈
誼心願持終白首誰道貴黃金他日歸愚谷偏
宜綠綺琴

上六

送張觀歸袁州

羨爾湘東去煙花尚可親
綠芳深映馬遠岫遞
迎人飢狄啼初日殘鶯惜暮春
遙憐謝客興佳句又應新

上九

冬夜饒州使堂餞相公五叔赴歙州

丞相過邦牧清弦送羽觴
高情同客醉子夜爲人長
斜漢初過斗寒雲正護霜
新安江自綠明主待惟良

上十

蔣山開善寺

山殿秋雲裏香煙出翠微
客尋朝磬至僧背夕

陽歸下界千門在前朝
萬事非看心兼送目葭
莢自依依

上十一

晚發江寧道中呈嚴維

惆悵遙江路蕭條落日過
蟬鳴獨樹急鴉向古城
多轉曲隨青嶂因高見
白波潘生秋徑草嚴子
意如何

上十二

句容縣東青陽館作

句曲千峯暮歸人向遠
煙風搖近水葉雲護欲
霜天夕照留山館秋花
落野田征途傍斜日一
騎獨翩翩

上三

晚春宴無錫蔡明府西亭

茅簷閑寂寂無事覺人和井近時澆圃城低下
見河興綠芳草積情向遠峯多別日歸吳地停

橈更一過

下三九

送朱中舍游江東

孤城郭外送王孫越水吳洲共爾論野寺山邊
斜有徑漁家竹裏半開門青楓獨映搖前浦白
鷺閑飛過遠村若到西陵征戰處不看秋草白
傷魂

下三

送竇拾遺赴朝因寄中書十七弟

自歎未霑黃紙詔那堪遠送赤墀人老為僑客
偏相戀素是詩家倍益親妻兒共載無羈思鴛
鷺同行不負身憑爾將書通令弟唯論華髮愧
頭巾

酬別李袁州二兄 右拾遺竇叔向

少年輕會復輕離老大關心揔是悲強說前程
聊自慰未知攜手定何時公才屈指登黃閣匪
服胡顏上赤墀想到長安誦佳句滿朝誰不念
瓊枝

上三四

送王端赴朝

君承明主召日日上丹墀東閣論兵後南宮草
奏期人稀傍河處槐暗入關時獨遣吳洲客平
陵結夢思

下三十一

自蘇臺至望亭驛人家盡空春物增思
悵然有作因寄從弟紆

南浦菰蔣覆白蘋東吳黎庶逐黃巾野棠自發
空流水江燕初歸不見人遠樹一作依依如送客
平田渺渺獨傷春那堪回首長洲苑烽火年年
報虜塵

下三十二

承恩量移宰江邑臨鄱江悵然有作

四年謫宦滯江城未厭門前鄱水清誰言宰邑
化黎庶欲別雲山如弟兄雙鷗爲底無心狎白
髮從他遶鬢生惆悵閑眠臨極浦夕陽秋草不
勝情

下三十四

言律

和袁郎中破賊後經剡縣山水上太尉

受律仙郎貴長驅下會稽鳴笳山月曉搖旆野
雲低剪寇人皆賀迴軍馬自嘶地闌春草綠城
靜夜烏啼破竹清閩嶺看花入剡溪元戎催獻
捷莫道事攀躋

下三十三

題靈臺縣東山村主人

處處征胡人漸稀山村寥落暮煙微門臨莽蒼
經年閉身逐嫖姚幾日歸貧妻白髮輸殘稅餘
寇黃河未解圍天子如今能用武祇應歲晚息
兵機

下三古

傷歙州陳二使君

憐君辭滿卧滄洲一旦云亡萬事休慈母斷腸
妻獨泣寒雲慘色水空流江村故老長懷惠山
路孤猿亦共愁寂寞荒墳近漁浦野煙朝暮即
千秋

上三古

送王正字山寺讀書

欲究先儒教還過支遁居山階閑聽法竹徑獨
看書向日荷新卷迎秋柳半疎風流有佳句不
似帶經鋤

上三古

送房明府罷長寧令湖州客舍

君為萬里宰恩及五湖人未滿先求退歸閑不
厭貧遠峯晴更近殘柳雨還新要自趨丹陛明
年雞樹親

下三古

春日歸中山

自覺勞鄉夢無人見客心空餘庭草色日日伴
愁襟

七
詠瑩

映水光難定
凌虛體自輕
夜風吹不滅
秋露洗還明
向燭仍藏焰
投書更有情
猶將流亂影
來此傍簷楹

下三十五
同皇甫冉登重玄閣

高閣朱欄不厭遊
蒹葭白水遶長洲
孤雲獨鳥川光暮
萬井千山海氣秋
清梵林中人轉靜
夕陽城上角偏愁
誰堪遠作秦吳別
離恨歸心雙淚流

下三十七
言絕句
夜宴南陵留別

雪滿前庭月色閑
主人留客未能還
預愁明日相思處
匹馬千山與萬山

下三十五
送評事十九叔入秦

白露沾蕙草
王孫轉憶歸
蔡州新戰罷
郢路去人稀
謁帝不辭遠
懷親空有違
孤舟看落葉
平楚逐斜暉
北闕見端冕
南臺當繡衣
唯余播遷客
只伴鷓鴣飛

下三十八
送李中丞楊判官

射策名先著
論兵氣自雄
能全季布諾
不道魯連功
流水蒹葭外
諸山睥睨中
別君秋日晚
回

首夕陽空

下三十六

宋州東登望題武陵驛

梁宋人稀鳥自啼登艫一望倍含悽白骨半隨
河水去黃雲猶傍郡城低平陂戰地花空落舊
苑春田草未齊明主頻移虎符守幾時行縣向
黔黎

上三九

至七里灘作

遷客投干越臨江淚滿衣獨隨流水遠轉覺故
人稀萬木迎秋序千峯駐晚暉行舟猶未已惆
悵暮潮歸

下五十七

題前溪館

兩年謫宦在江西舉目雲山要自迷今日始知
風土異潯陽南去鷓鴣啼

上三

南浦渡口

寂寞橫塘路新篁覆水低東風潮信滿時雨稻
稔齊寡婦供租稅漁人逐鼓鼙慙無卓魯術解
印謝黔黎

上三十一

暮秋遷客增思寄京華

不玉怨三秋張衡復四愁思鄉鴈北至欲別水
東流倚樹看黃葉逢人訴白頭佳期不可失落

日自登樓

下五九 過烏公山寄錢起負外

雨過青山猿叫時
愁人淚點石榴枝
無端王事還相繫
腸斷蒹葭君不知

下五九 寄王舍人竹樓

傲吏身閑笑五侯
西江取竹起高樓
南風不用蒲葵扇
紗帽閑眠對水鷗

下三二 晚登江樓有懷

獨坐南樓佳興新
青山綠水共爲隣
爽氣遙分隔浦岫
斜光偏照渡江人
心閑鷗鳥時相近
事

簡漁竿私自親
只憶帝京遙可到
秋琴一弄欲沾巾

上三二 送蘇脩往饒

愛爾無羈束
雲山恣意過
一身隨遠岫
孤棹任輕波
世事關心少
漁家寄宿多
蘆花泊舟處
江月耐人何

下六 題韋潤州海榴

江上年年小雪遲
年光獨報海榴知
寂寂山城風日暖
謝公含笑向南枝

下五 台田西憶楚州史君弟

六言

山陽郭裏無潮野水自向新橋魚網平鋪荷葉
鷺鷥閑步稻苗秣陵歸人惆悵楚地連山寂寥
却憶士龍賓閣清琴綠竹蕭蕭

上言古詩
江上曲

江心澹澹芙蓉花江口蛾眉獨浣紗可憐應是
陽臺女坐對鷺鷥嬌不語掩面羞看北地人迴
身忽作空山雨蒼梧秋色不堪論千載依依帝
子魂君看峯上斑斑竹盡是湘妃泣淚痕

下言
贈王八衢

丹地偏相逐清江若有期腰金才子貴剖竹老

人遲桂楫閑迎客茶甌對說詩渚田分邑里山
樹掛罾魚心靜無華髮人和似古時別君遠山
去幽獨更應悲

上言三
題王十九茅堂

滿庭多種藥人里作山家終日能留客凌寒亦
對花海鷗過竹嶼門柳拂江沙知爾卑棲意題
詩美白華

上言四
送弘志上人歸湖州

山林唯幽靜行住不妨禪高月穿松徑殘陽過
水田詩從宿世悟法爲本師傳能使南人敬脩

持香火綠

下六十一

送崔十一弟歸北京

潘郎美貌謝公詩
銀印花駉年少時
楚地江臯一爲別
晉山沙水獨相思

下六十二

遊徐城河忽見清淮因寄趙八

自緣遲暮憶滄洲
翻愛南河濁水流
初過重陽惜殘菊
行看舊浦識羣鷗
朝霞映日同歸處
暝柳搖風欲別秋
長恨相逢即分首
含情掩淚獨回頭

上三十五

送陸士倫宰義興

陽羨蘭陵近高城
帶水閑淺流通野
寺綠茗蓋春山長
吏先愁罷遊人詎
肯還知君日清淨
無事掩重關

上三十六

和張舍人中書宿直

漢主留才子春城
直紫微對花閭闔
靜過竹吏人稀裁
詔催添燭將朝欲
更衣玉堂宜歲久
且莫厭彤闈

上三十七

司勳王郎中宅送韋九郎往濠州

憐爾因同舍看書
似外家出關逢落
葉傍水見寒花送
遠添秋思將衰念
歲華清淮倍相憶
迴

首莫令賒

上三六

晚春送吉校書歸楚州

曾為道士

詩人饒楚思淮上及春歸舊浦菱花待開門柳絮飛高名鄉曲重少事道流稀定向漁家醉殘陽卧釣磯

上四九

故國相公挽歌

二首

文若為全德留侯是重名論公長不宰因病得無生大夢依禪定高墳共化城自應憐寂滅人世但傷情

共美持衡日皆言折檻時蜀侯供廟畧漢主缺

台司車馬行仍止笳簫咽又悲今年杜陵陌殄瘁百花遲

下六三

訪韓司空不遇

圖畫風流似長康文詞體格效陳王蓬萊對去歸常晚叢竹閑飛滿夕陽

上四一

送嚴二擢第東歸

隳官就賓薦時輩詎爭先盛業推儒行高科獨少年迎秋見衰葉餘照逐鳴蟬舊里三峯下開門古縣前

上四二

送冷朝陽及第歸江寧

高第猶佳句諸生似者稀
長安帶酒別建業候潮歸
稚子歡迎棹隣人為掃
扉含情過舊浦鷗鳥亦依依

上四三

送越州平法曹之任

但能一官適莫羨五侯尊
山色垂趨府潮聲自到門
綠塘剡溪路映竹五湖村
玉謝登臨處依依今尚存

下五三

遠寺鐘

踈鐘何處來度竹兼拂水
漸逐微風聲依依猶在耳

上四四

送樊兵曹潭州謁韋大夫

塞鴻歸欲盡北客始辭秦
零桂雖逢竹湘川少見人
江花鋪淺水山木暗殘春
脩刺轅門裏多憐爾為親

上四五

送杜侍御還廣陵

慙君從弱歲顧我比諸昆
同事元戎久俱承國士恩
隨鶯過淮水看柳向轅門
草色金陵岸思心那可論

上五六

送兗州杜別駕之任

停車邀別乘促軫奏胡笳
若見楚山暮因愁浙

水賒河堤經淺草村徑歷繁花更有堪悲處梁
城春日斜

上四

題裴十六少卿東亭

平津舊東閣深巷見南山卷箔嵐煙潤遮窻竹
影開傾茶兼落帽戀客不開關斜照窺簷外川
禽時往還

上六

同皇甫侍御題薦福寺一公房

虛室獨焚香林空靜磬長閑窺數竿竹老在一
繩牀啜茗翻真偈然燈繼夕陽人歸遠相送步
履出迴廊

上九

送從侄端之東都

虜近人行少憐君獨出城故關逢落葉寒日逐
徂征聞笛添歸思看山愜野情皇華今絕少龍
額也相迎

上十

送王諫議充東都留守判官

時稱謝康樂別事漢平津衰柳寒關道高車左
掖臣背河看北鴈到洛問東人憶昔遊金谷相
看華髮新

上十一

和都官苗員外秋夜寓直對雨簡諸知

己

多雨南宮夜仙郎寓一作直時漏長丹鳳闕秋冷
白雲司螢影侵堦亂鴻聲出苑遲蕭條吏人散
小謝有新詩

上卷二

送從弟歸河朔

故鄉那可到今弟獨能歸諸將矜旄節何人重
布衣空城流水在荒澤舊村稀秋日平原路蟲
鳴桑葉飛

上卷三

送崔夷甫貞外和蕃

君過湟中去尋源未是賒經春逢白草盡日度
黃沙雙節行爲伴孤烽到似家和戎非用武不

學李輕車

上卷四

春日長安送從弟尉吳縣

春愁能浩蕩送別又如何人向吳臺遠鶯飛漢
苑多見花羞白髮因爾憶滄波好是神仙尉前
賢亦未過

上卷五

元日無衣冠入朝寄皇甫拾遺冉從弟

補闕紓

伏奏隨廉使周行外冗負白髭空受歲丹陛不
朝天秉燭千官去垂簾一室眠羨君青瑣裏並
冕入爐煙

上五十六

故吏部郎中贈給事中韋公挽歌二首

神理今何在斯人竟若斯
顏淵徒有德伯道且無兒
白髮今非老青雲數有奇
誰言夕郎拜翻向夜臺悲

社里東城接松阡此地開
聞笳春色慘執紼故人哀
終日南山對何時渭水迴
仁兄與恩舊相爾泣泉臺

上五十九

和韓郎中楊子津翫雪寄嚴維

雪深楊子岸看柳盡成梅
山色潛知近潮聲只聽來
夜禽驚曉散春物受寒摧
粉署生新興瑤

華寄上才

上五十九

送王牧往吉州謁王使君叔

細草綠汀洲王孫耐薄遊
年華初冠帶文體舊弓表
野渡花爭發春塘水亂流
使君憐小阮應念倚門愁

上六十

廣陵送林宰

清政過前哲香名達至尊
明通漢家籍重識府公恩
春景生雲物風潮斂雪痕
長吟策羸馬青楚入關門

下三十九

題遊仙閣白公廟

仙冠輕舉竟何之
薜荔緣階竹映祠
甲子不知風馭日
朝昏唯見雨來時
霓旌翠蓋終難遇
流水青山空所思
逐客自憐雙鬢改
焚香多負白雲期

下四

送鄭正則漢陽迎婦

錦字相催鳥極飛
郎君暫脫老萊衣
遙想雙眉待人畫
行看五馬送潮歸
望夫山上花猶發
新婦江邊鶯未稀
今秩和鳴真可羨
此行誰道負春輝

三

傷吳中

館娃宮中春已歸
闔閭城頭鶯已飛
復見花開人又老
橫塘寂寂柳依依
憶昔吳王在宮闕
館娃賣眼看花發
舞袖朝欺陌上春
歌聲夜怨江邊月
古來人事亦猶今
莫厭清觴與綠琴
獨向西山聊一笑
白雲芳草自知心

三

夜聞江南賽神即事

南方淫祀古風俗
楚姬能唱迎神曲
鎗鎗銅鼓蘆葉深
寂寂瓊筵江水綠
雨過風清洲渚閑
椒漿醉盡迎神還
一作神欲還帝女凌空下
湘岸番君隔浦向
堯山月隱回塘猶
自舞一門依倚神之祐

韓康靈藥不復求扁鵲醫方曾莫覩逐客臨江
空自悲月明流水無已時聽此迎神送神曲攜
觴欲弔屈原祠

雜興

花開昔日黃鸝轉妾向青樓已生怨花落黃鸝
不復來妾老君心亦應變君心比妾心妾意舊
來深一別十年無尺素歸時莫贈路傍金

古興

十五小家女雙鬢人不如蛾眉顰一見可直千
金餘自從得向蓬萊裏出入金輿乘玉趾梧桐

樹上春鴉鳴曉伴君王猶未起莫道君恩長不
依婕妤團扇苦悲秋君看魏帝鄴都裏唯有銅
臺漳水流

贈衛南長官赴任

吏曹難茂宰主意念疲人更事文犀節還過白
馬津雲間辭北闕樹裏出西秦為報陶明府裁
書莫厭貧

自常州還江陰途中作

處處空籬落江村不忍看無人花色慘多雨鳥
聲寒黃霸初臨郡陶潛未罷官乘春務征伐誰

肯問凋殘

上六十一潤州楊別駕宅送蔣侍御收兵歸揚州

沴氣清金虎兵威壯鐵冠揚旌川色暗一作吹角

水風寒人對輜輶醉花垂睥睨殘羨歸丞相閣

空望舊門欄

下仲夏江陰官舍寄裴明府

萬室邊江次孤城對海安朝霞晴作雨濕氣晚

生寒苔色侵衣桁潮痕上井欄題詩招茂宰思

爾欲辭官

下送夏侯審參軍遊江東

袖中多麗句未遣世人聞醉夜眠江月閑時逐

海雲荻花寒漫漫鷗鳥暮羣羣若到長洲苑漁

家更待君

下三送袁真外宣慰勸農畢赴洪州使院

聖主臨前殿殷憂遣使臣氣迎天詔喜恩發土

膏春草色催歸棹鶯啼為送人龍沙多道里流

水自相親

下四送侍御史四叔歸朝

淮南頻送別臨水惜殘春攀折隋宮柳淹留秦

地人含情歸上國論舊見平津更接天津近餘

李嘉祐集卷下
五言律詩

卷下

花映綬新

下二十七
入睦州分水路憶劉長卿

北闕忤明王南方隨白雲
沿洄灘草色應接海鷗羣
建德潮已盡新安江又分
回看嚴子瀨朗詠謝安文
雨過暮山碧猿吟秋日曛
吳洲不可到刷鬢爲思君

下五
登楚州城望驛路十餘里山村竹林相

次交映

十里山村道千峯櫟樹林
霜濃竹枝亞歲晚荻花深
草市多樵客漁家足水禽
幽居雖可羨無

那子牟心

下四十一
送皇甫冉往安宜

江臯盡目唯煙水君向白田何日歸
楚地蒹葭連海迥隋朝楊柳映堤稀
津樓故市無行客山館荒城閉落暉
若問行人與征戰使君雙淚定霑衣

下四十二
晚發咸陽寄同院遺補

征戰初休草又衰咸陽晚眺淚堪垂
去路全無千里客秋田不見五陵兒
秦家故事隨流水漢代高墳對石碑
迴首青山獨不語羨君談笑萬

年枝

下四三

早秋京口旅泊章侍御寄書相問因以
贈之時七夕

移家避寇逐行舟厭見南徐江水流吳越征徭
非舊日秣陵凋弊不宜秋千家閉戶無砧杵七
夕何人望斗牛祇有同時驄馬客偏題尺牘問
窮愁

下四四

秋晚招隱寺東峯茶宴送內弟閻伯均
歸江州

萬畦新稻傍山村數里深松到寺門幸有香茶

留釋子不堪秋草送王孫煙塵怨別唯愁隔井
邑蕭條誰忍論莫怪臨歧獨垂淚魏舒偏念外
家恩

下六
奉陪韋潤州遊鶴林寺

野寺江城近雙旌五馬過禪心超忍辱梵語問
多羅松竹閑僧老雲煙晚日和寒塘歸路轉清
磬隔微波

下六三

題道虔上人竹房

詩思禪心共竹閑任他流水向人間手持如意
高窻裏斜日沿江千萬山

奉和杜相公長興新宅即事呈元相公
意有空門樂居無甲第奢經過容法侶雕飾讓
侯家隱樹重簷肅開園一徑斜據梧聽好鳥行
藥寄名花夢蝶留清簟垂貂坐絳紗當山不掩
戶映日自傾茶雅望歸安石深知在叔牙還成
吉甫頌贈谷比瑤華

下七

奉酬路五郎中院長新除工部員外見

簡

一門同秘省萬里作長城問綃蓮花府揚旗細
柳營詞鋒偏却敵草奏直論兵何幸新詩贈甘

輸小謝名

下四

酬皇甫侍御曾見寄

此公時貶舒州司馬

自顧衰容累玉除忽承優詔赴銅魚江頭鳥避
青旄節城裏人迎露網車長沙地近悲才子古
郡山多憶舊廬更枉新詩思何苦離騷愁一作怨處
亦無如

下四十六

暮春宜陽郡齋愁坐忽枉劉七侍御新

詩因以酬答

子規夜夜啼楮葉遠道逢春半是愁芳草伴人
還易老落花隨水亦東流山臨睥睨恒多雨地

接瀟湘畏及秋唯羨君爲周柱史手持黃紙到
滄洲

下
送韋司直西行

此公深
入道門

不耻青袍故尤宜白髮新心朝玉皇帝貌似紫
陽人湘浦眠銷日桃源醉度春能文兼證道莊
叟是前身

下
送上官侍御赴黔中

莫向黔中路令人到欲迷水聲巫峽裏山色夜
郎西樹隔朝雲合猿窺曉月啼南方饒翠羽知
爾飲清溪

下
送元侍御還荆南幕府

迢遞荊州路山多水又一作不分霜林澹寒日朝鴈
蔽南雲八坐由持節三湘亦置軍自當行直指
應不爲功勳

下
秋朝木芙蓉

水面芙蓉秋已衰繁條倒是著花時平明露滴
垂紅臉似有朝開暮落悲

下
登湓城浦望廬山初晴直省齋勅催赴

江陰

西望香鑪雪千峯晚色一作照新白頭悲作吏黃紙

若催人多負登山屐深藏漉酒巾傷心公府內
手板日相親

下三
九日

惆悵重陽日空山野菊新蒹葭百戰地江海十
年人歎老看衰柳傷秋對白蘋孤樓聞夕磬塘
路向城闈

下三
九日送人

晴景應重陽高樓愴遠鄉水澄千室倒霧卷四
山長受節人逾老驚寒菊半黃席前愁此別未
別已沾裳

下四
送舍弟

諸謝偏推永嘉守三何獨許水曹郎老兄鄙思
難儔匹今弟清詞堪比量疊嶂入雲藏古寺高
秋背日轉南湘定知馬上多新句早寄袁溪當
八行

下四
白鷺

江南淶水多顧影逗輕波終日尋雲裏山高奈
若何

下四
送從弟永任饒州錄事參軍

一官萬里向千溪水宿山行漁浦西日晚長煙

高岸近天寒積雪遠峯低蘆花渚裏鴻相叫一作別
苦竹叢邊猿暗啼聞道慈親倚門待到時蘭葉
正萋萋

下四

春日淇上作

淇水春風漲鴛鴦逐浪飛清明桑葉小度雨杏花
稀衛女紅粧薄王孫白馬肥相將躡青去不
解惜羅衣

下五

袁江口憶王司勳王吏部二郎中起居

十七弟

京華不啻三千里客淚如今一萬雙若箇最爲

相憶處青楓黃竹入袁江

下四九

送馬將軍奏事畢歸滑州使幕

吳門別後蹈滄洲帝里相逢俱白頭自歎馬卿
常帶病還嗟李廣未封侯棠梨宮裏瞻龍袞細
柳營前著豹裘想到滑臺桑葉落衛河東注荻
花秋

下五

聞逝者自驚

亦知死是人間事年老聞之心更疑黃卷清琴
摠爲累落花流水共添悲願將從樂看真訣又
欲休官就本師兒女眼前難喜捨彌憐雙鬢漸

如絲

江湖秋思

趨陪禁掖鴈行隨
遷向江潭鶴髮垂
素浪遙疑八谿水
青楓忽似萬年枝
嵩南春徧傷魂夢
壺口雲深隔路歧
共望漢朝多霈澤
蒼蠅早晚得先知

送從叔陽冰祗召赴都

自小從遊慣
多由戲笑偏
常時矜禮數
漸老荷優憐
見主承休命
爲郎貴晚年
伯喈文與篆
虛作漢家賢

送友人入湘

聞說湘川路
年年湖水多
猿啼巫峽雨
月照洞庭波
窮海人還去
孤城鴈共過
青山不可極
來往自蹉跎

送裴員外往江南

分務江南遊
留歡幕下榮
楓林綠楚塞
水驛到湓城
岸草知春晚
沙禽好夜驚
風帆幾度泊
處處暮潮聲

登秦嶺

南登秦嶺頭
迴望始堪愁
漢闕青門遠
高山藍

水流三湘遷客去九陌故人遊從此辭鄉淚雙
垂不復收

下九

送張唯儉秀才入舉

清秀過終童攜書訪老翁以吾為世舊憐爾繼
家風淮岸經霜柳關城帶月鴻春歸定得意花
送到東中

下十

送韋侍御湖南幕府

執憲隨征虜逢秋出故關雨多愁郢路葉下識
衡山地遠從軍樂兵強分野開皇家不易將此
去未應還

下十一

同皇甫冉赴官留別靈一上人

法許廬山遠詩傳休上人獨歸雙樹宿靜與百
花親對物一作雖留興觀空已悟身能令折腰客
遙賞竹房春

下十二

送客遊荊州

草色隨驄馬悠悠共出秦水傳雲夢曉山接洞
庭春帆影連三峽猿聲在四隣青門一分首唯
見杜陵人

下十三

與鄭錫遊春

東門垂柳長回首獨心傷日暖臨芳草天晴憶

故鄉映花鶯上下過水蝶悠颺借問同行客今朝淚幾行

臺閣集終

假有孟頫歲明活字本對甚改定甚多惟席本則錄實於道七律音活字本無之甲寅八月抄於林記時雨後甚寒

東山席氏悉欣來
本初于蔡川書屋

韓君平詩集

朝議郎守中書舍人賜緋魚袋韓翃君平

寄武陵李少府

小縣春山口一作生口公孫吏隱時楚歌催晚醉蠻語入新詩桂水遥相憶花源暗有期郢門千里外莫怪尺書遲

贈張建

結客平陵下當年倚俠遊傳看轆轤劍醉脫驪驪裘翠羽雙鬟妾珠簾百尺樓春風坐相待晚日莫淹留

十四 送監軍李判官

上客佩雙劍一作興劍東城喜再遊舊從張博望新事
鄭長秋躡水回一作過金勒看一作邊風試錦裘知君不

久住漢將掃旄頭

六 七言 送客之江寧

春流送客不應賒南入徐州見柳花朱雀橋邊
看淮水烏衣巷裏問王家千問萬井無多事關
戶開門向山翠楚雲朝下石頭城江燕雙飛瓦
棺寺吳士風流甚可親相逢嘉賞日應新從來
此地夸羊酪自有尊羹定卻人

中五 送客歸廣平

家在趙邯鄲歸心輒自歡晚杯狐腋暖春雪馬
毛寒孟月途中破輕冰水上殘到時楊柳色奈

向故園看

下 七言 送客一歸襄陽二歸潯陽

南驅匹馬會心期東望扁舟愜夢思鬩斗山前
春色早香爐峯頂暮煙時空林欲訪辛居士古
寺應懷遠法師兩地由來堪取興三賢他日幸

留詩

下二 送故人赴江陵尋庾牧

瘦庾誤瘦

主人持節拜荊州走馬應從一路遊斑竹岡連
山雨暗枇杷門向楚天秋佳期笑把齋中酒遠
意閑登城上樓文體此時看又別吾知小庾甚
風流

下三十七言絕句
送客知絕句鄂州

江口千家帶楚雲江花亂點雪紛紛春風落日
誰相見青翰舟中有鄂君

下三十八
寒食日即事

春城無一作風何處不飛花寒食東風御柳斜日暮一作夜
漢宮傳蠟燭青一作輕煙散入五侯家

中六
送張儋水路歸北海

千里東歸客孤心憶舊遊片帆依白水高枕卧
青州栢寢寒蕪變梧臺宿雨收知君心興遠每
上海邊樓

上九
送山陰姚丞攜妓之任兼寄山陰蘇少
府

東風香草路南客心容與白晳吳王孫青娥柳
安女都門數騎出河口片帆舉夜簾眠橘洲春
衫傍楓嶼山陰政簡甚從容到罷唯求物外蹤
落日花邊剡溪水晴煙竹裏會稽峯才子風流

蘇伯玉同官曉暮應相逐加餐共愛鱸魚肥醒
酒仍憐甘蔗熟知君鍊思本清新季子如今德
有鄰他日如尋始寧野題詩早晚寄西人

送故人歸魯

魯客多歸興居人悵別情兩餘衫袖冷風急馬
蹄輕秋草靈光殿寒雲曲阜城知君親覲一作拜後
少婦下機迎

送客還江東

不妨高卧順流歸五兩行看掃翠微鼯鼠夜喧
孤枕近鷓鴣曉避客船飛一壺先醉桃枝簞百

和初薰越布衣君到新林江口泊吟詩應賞謝
玄暉

和高平朱參軍思歸作

髯參軍髯參軍身為北州吏心寄東山雲坐見
萋萋芳草綠遙思往日晴江曲刺船頻向剡中
回捧被曾過越人宿花裏鶯啼白日高春樓把
酒送車螯狂歌好愛陶彭澤佳句唯稱謝法曹
平生樂事多如此忍為浮名隔千里一雁南飛
動客心思歸何待秋風起

送客水路陝

下三

相風竿影曉來斜渭水東流去不賒枕上未醒
秦地酒舟前已見陝人家春橋楊柳應齊葉古
縣棠梨也作花好是吾賢佳賞地行逢三月會
連沙

二十一 贈別成明府赴劍南

朝爲三室印晚爲三蜀人遙知下車日正及巴
山春縣道橘花裏驛流江水濱公門輒無事賞
地能相親解衣初醉綠芳夕應採蹲鷓薦佳客
霽光遠映西川時閑望碧鷄飛古祠愛君樂事
忘興廢天外銅梁多夢思

二十二 送孫潑赴雲中

黃驄少年舞雙戟目視旁人皆辟易百戲能誇
隴上兒一身復作雲中客寒風動地氣蒼茫橫
吟先悲出塞長敲石軍中傳夜火斧冰河畔汲
朝漿前鋒直指陰山外虜騎紛紛膽應碎匈奴
破盡看看歸金印酬功如斗大

二十三 送客還江東

還家不落春風後數日應沾越人酒池畔花深
鬪鴨欄橋邊雨洗藏鴉柳遙憐內舍着新衣復
向喜鄰家醉落暉把手闌歌香橘下空山一望

鷓鴣飛

中八 送故人歸蜀

一騎西南遠翩翩入劍門客衣筒布潤山舍荔
枝繁古廟祠金馬春江釣白黿自應成旅逸愛
客有王孫

下四 送丹陽劉太真

長干道上落花朝羨爾當年賞事饒下筓已憐
鵝炙美開籠不奈鴨媒嬌春衣晚入青楊巷細
馬初過皂莢橋相訪不辭千里遠西風好借木
蘭橈

下五 送客歸江州

東歸復得采真遊江水迎君日夜流客舍不離
青雀舫人家舊在白鷗洲風吹山帶遥知雨露
濕荷裳已報秋聞道泉明居止近藍輿相訪會
淹留

中九 酬程延秋夜即事見贈

長簾迎風早空城澹月華星河秋一雁碁枰夜
千家節候看應晚心期卧亦一作賒向來吟秀句
不覺已鳴鴉

中十 送郭贊府歸淮南

促誤從

駿馬淮南客歸時引望新江聲六合暮楚色萬
家春白苧歌西曲黃苞祀寄北人不知心賞後早
晚見促行塵

下七

送劉將軍

明光細甲照鋌鍔昨日承恩拜虎牙膽大欲欺
姜伯約功多不讓李輕車青巾校尉遙相許墨
鞞將軍莫天誇闕下來時親伏奏胡塵未盡不
為家

下八

送鄭負外

鄭時在熊尚書幕府

風流不減杜陵時五十為郎未是遲孺子亦知

名下士樂人爭唱卷中詩身齊吏部還多醉心
顧尚書自有期要路眼看一作知一作已在不應窮巷
久低眉

上十四

送夏侯侍郎

自大理兼侍御史攝登州中路徵納吉之
禮愛弟攝青州司馬故備述其事

元戎車右早飛聲御史府中新正名翰墨已齊
鍾大理風流好繼謝宣城從軍曉別龍驤幕六
騎先驅嘶近郭前路應留白玉臺行人輒羨黃
金絡使君下馬愛瀛洲簡貴將求物外遊聽訟

不聞烏布帳迎賓暫着紫綈裘公庭日夕羅山
翠功遂心閑無一事移書或問島邊人立仗時
呼鈴下吏事業初傳小夏侯中年劍笏在西州
浮雲飛鳥兩相忘他日依依城上樓

下六
題張逸人園林

藏頭不復見時人愛此雲山奉奈養真露色點衣
孤嶼曉一作花枝妨帽小園春時一作攜幼稚諸峰
上閑濯眉鬚一水濱興罷歸來還對酌茅簷掛
着紫荷巾

十五
送李湜下第歸衛州便遊河北

莫嗟太常屈便入蘇門嘯道在應未遲勿作我
身料輕雲日下不成陰出對流芳攬別心萬雉
城東春水濶千人鄉北晚花深舊竹青青常遶
宅到時踈曠應自適佳期縱得上宮遊旅食還
爲北邙客路出司州勝景長西山翠色帶清漳
仙人磯近茱萸澗銅雀臺臨野馬岡屢道主人
多愛士何辭策馬千餘里高譚魏國訪先生修
刺平原過內史一舉青雲在早秋恐君從此便
淹留有錢莫向河間用載筆須來闕下遊

十一
題龍興寺澹師房

雙林彼上人詩興轉相親竹裏經聲晚門前山
色春卷簾苔點淨下筍藥苗新記取無生理歸
來問此身

下九

題張逸人園林

花源一曲映茅堂清論閑階坐夕陽塵尾手中
毛已脫蟹螯樽上味初香春深黃鳥傳窺樹雨
後青苔散點墻更道小山宜助賞呼兒舒簟醉
巖芳

中十二

送客遊江南

南使孤帆遠東風任意吹楚雲殊不斷江鳥暫

相隨月淨鴛鴦水春生荳蔻枝賞稱佳麗地君
去莫應知

上十六

張山人草堂會王方士

雜言

嶼花晚山日長蕙帶麻襦食草堂一片水光飛
入戶千竿竹影亂登墻園梅熟家醞香新濕頭
巾不復簪相看醉倒卧藜牀

上十七

送修縣劉主簿楚

起家得事平原侯晚出都門辭舊遊草色連綿
幾千里青驪躑躅路傍子花深近縣宿河陽竹
映春舟渡淇水鄴下淹留佳賞新羣公舊日心

相親金盤曉餽朱衣鮒王篔簹宵迎翠羽人王程
書使前期促他日應知舉鞭速寒水浮瓜五月
時把君香袖長河曲

中六十五家兄自山南罷歸獻詩叙事

時輩已爭先吾兄未着鞭空嗟鑷鬢日獨是屈
腰年不以殊方遠仍論賞地偏穰橙隨客路漢
竹引歸船雲外巴東峽林中峴北川也餘騎馬
處宅是卧龍邊夜簟干峰月朝窓萬井煙朱荷
江女院青稻楚人田縣舍多瀟灑城樓得醉眠
黃苞柑正熟紅縷餽仍鮮坐厭牽絲倦因從解

綬旋初辭五斗米唯奉一囊錢室愛生虛白書
耽守太玄櫪中嘶款段堦下引潺湲落照淵明
柳春風叔夜絃絳紗儒客帳丹諫羽人篇雅論
承安石新詩與惠連興清湖見底襟豁霧開天
魏闕心猶繫周才道豈捐一丘自無逸三府會
招賢

中六十六寄贈虢州張參軍

三十事諸侯賢豪冠北州桃花迎駿馬蘇合染
輕裘觀妓將軍第題詩關尹樓青林朝送客綠
嶼晚回舟好栗分通子名香贈莫愁洗杯新酒

醒誤醒

熟把燭故人留百雉歸雲過千峰宿雨收蒹葭
露下晚菡萏水中秋憶昨陪行樂常時接獻酬
佳期雖霧散惠問亦川流開卷醒堪解含毫思
苦抽無因達情意西望日悠悠

下十 寄徐州鄭使君 即京兆鄭尹尊立

江城五馬楚雲邊不羨雍容畫省年才子舊稱
何水部使君還繼謝臨川射堂草遍汜殘雨官
路人稀對夕天雖卧郡齋千里隔與君同見月
初圓

下三十九 羽林騎 絕作羽林少年行

作城
殘一

駿馬牽來御柳中鳴鞭欲向一作渭橋東紅蹄亂
踏春城雪花領驕一作嘶上苑風

下四十 看調馬

鴛鴦赭白齒新齊晚日花中一作散碧蹄玉勒斗
回初噴沫金鞭欲下不成嘶

下四十一 寄贈衡州楊使君

湘竹斑斑湘水春衡陽太守虎符新朝來笑向
歸鴻道早晚南飛見主人

中十三 送高負外赴淄青使幕

遠水流春色回風送落暉人趨雙節近馬遮白日

作城
鏡一

花歸山驛嘗官酒關城度客衣從來赤管筆提
向幕中稀

中十四 尋胡處士不遇

到來心自足不見亦相親說法思居士忘機憶
丈人微風吹藥案晴日照茶巾幽興殊未盡東
城飛暮塵

上二 令狐負外宅宴寄中丞

寒色凝羅幕同人清夜期玉盃留醉處銀燭送
歸時獨坐隔千里空吟對雪詩

中十五 贈張道者

採藥三山罷乘風五日歸剪荷成舊屋剉藥染
新衣玉粒指指應久丹砂驗不微坐看青節引更
與白雲飛

下十一 送襄垣王君歸南陽別墅

都門霽後不飛塵草色萋萋滿路春雙兔坡東
千室吏三鴉水上一歸人愁眠客舍衣香滿走
渡河橋馬汗新少婦北來多遠望應知蟾子上
羅巾

中十六 題蘇許公林亭

平津東閣在別是竹林期萬葉秋聲裏千家落

照時門隨深巷靜窗過遠鐘遲客舍苔生處依
依又賦詩

中十七

送元詵還江東

間氣集云送太常元博士歸潤州

過渡

江秋色在詩興與歸心客路隨緣作楓岸家

人掃橘林潮聲當晝起山翠近南深沉作幾日華

陽洞寒光引獨一作尋

中十八

桂客遊江南

桂水隨去遠賞心知有餘衣香楚山橘手鱸湘
波魚芳芷不共把浮雲悵離居遙想汨羅上弔
屈秋風初

中十九

送海州姚別駕

少年爲長史東去事諸侯坐覺千間靜閑隨五
馬遊行人楚國道暮雪鬱林州他日知相憶春
風海上樓

中二十

送夏侯審

謝公鄰里在日夕望佳期春水人歸後東田花
盡時下樓閑待月行樂笑題詩他日吳中路千
山入夢思

中二十一

送趙評事赴洪州使幕

孤舟行遠近一路過湘東官屬張廷尉身隨杜

幼公山河映湘竹水驛帶青楓萬里思君處秋
江夜雨中

中二十一 送李侍御赴徐州行營

少年兼柱史東至舊徐州遠屬平津閣前驅博
望侯向營淮月滿吹角楚天秋客夢依依處寒
山對白樓

中二十三 送李一作孫秀才歸江南間氣集云送孫
革及第歸江南

過淮芳草歇千里又東歸野水吳山出家村越
鳥飛荷香隨去棹梅雨點行衣無數蒼江客如
君達者稀

中二十四 題僧房南薰集云題慈
恩寺振上人院

披衣聞客至關瑣此時開鳴磬夕陽盡卷簾秋
色一作氣來名香連竹徑清梵出花臺身在心無任
他方一作時到幾回

中二十五 送壽州陳錄事

壽陽南渡口歛笏見諸侯五雨楚雲暮千家淮
水秋開簾對芳草送客上春洲請問山中桂王
孫幾度遊

中二十六 送趙陸司兵歸使幕

客路青蕪遍關城白日低身趨雙節近名共五

雲齊遠水公田上春山郡舍西無因得攜手東
望轉悽悽

中二十七 送蔣負外端公歸淮南

淮南芳草色日夕引歸船御史王元貺郎官顧
彥先光風千日暖寒食百花燃惆悵佳期近澄
江與暮天

下四十二 宿石邑山中

浮雲不共此山齊山靄蒼蒼望絕作轉迷曉月暫
飛高一作樹裏秋河隔在數峰西

二十八 題慈恩寺竹院

千峰對古寺何異到西林幽磬蟬聲下閑窻竹
翠陰詩人謝客興法侶遠公心寂寂爐煙裏香
花欲暮深

下四十三 江南曲

長樂花枝雨點滴作銷江城日暮好相邀春樓不
閉葳蕤鎖綠水回連一作宛轉橋

下四十四 贈張千牛

蓬萊闕下是天一作家上路新迴白鼻騮急管晝
催平樂酒春衣夜宿杜陵花

二十九 贈邳州馬使君即時中允

東方千萬騎出望使君時暮雪行看盡春城到
暮遲路人趨墨幘官柳度青絲他日鈴齋內知
君亦賦詩

中三十一

送張丞歸使幕

獨受主恩歸重當朝似者稀玉壺分御酒金殿賜
春衣拂席流鶯醉鳴鞭駿馬肥滿臺簪白筆捧
手戀清暉

一作首

中三十二

贈長洲何主簿

掛席逐歸流依依望虎丘殘春過楚縣夜兩宿
吳洲野寺吟詩入溪橋折筍游到官無一事清

靜有諸侯

中三十三

送崔遇歸淄青幕府

平陵車馬客海上見旌旗舊驛千山下殘花一
路飛春衣過水冷暮雨出關遲莫道青州客迢
迢在夢思

下三十二

送王誕勃海使赴李太守行營

少年結客散黃金中歲連兵掃綠林勃海名王
曾折首漢家諸將盡傾心行人去指徐州近飲
馬回看泗水深喜見明時鍾太尉功名一似舊
淮陰

下十三 送王少府歸杭州

歸州一路轉青蘋更欲隨潮向富春吳郡陸機
稱地主錢塘蘇小是鄉親葛花滿把能消酒
子同心好贈人早晚重過魚浦宿遙憐佳句篋
中新

下十四 贈王隨

青雲自致晚應遙朱邸新昏樂事饒飲罷更憐
雙袖舞試來偏愛五花驕帳裏爐香春夢曉堂
前燭影早更朝更說球場新雨歇王孫今日定
相邀

中三十三 田倉曹東亭夏夜飲得春字

薛公門下人公子又相親玉佩迎初夜金壺醉
老奉葛衣香有露羅幕靜無塵更羨風流外文
章是一秦

中三十四 贈王逖

端笏事龍樓思閑輒告休新調赭白馬暫試黑
貂裘珠履迎佳客金錢與莫愁座中豪貴滿誰
道不風流

下四十五 漢宮曲

五柞宮中過臘看萬年枝上雪花殘綺窓夜閉

玉堂靜素縷朝穿絕作金井寒

下四十六 贈李翼

王孫別舍擁朱輪不羨空名樂此身門外碧潭
春洗馬樓前紅燭夜迎人

下四十七 漢宮曲二首

家在長陵小市中珠簾繡戶對春風君王昨日
移仙仗玉輦迎將入漢宮

駿馬繡絕作障泥紅塵撲四蹄歸時何太晚日照

杏花西下三十一

繡幕珊瑚鈎香閨翡翠樓深情不肯道嬌倚鈿

漢宮曲二首

篴篴下三十二

下四十八 少年行

千點爛編玉勒驄一作寶玉青絲結尾繡纏駿揮鞭曉

出章臺路葉葉春衣一作隨楊柳風

中三十五 送深州吳司馬歸使幕

東門送遠客車馬正紛紛舊識張京兆新隨劉
領軍行驄看暮雨歸鴈踏青雲一去叢臺北佳

聲幾日間

中三十六 華州夜宴庾侍御宅

世故他年別心期此夜同千峯孤燭外片雨一

更中酒客逢山簡詩人得謝公自憐驅匹馬拂曙向關東

中三十七 送客之上谷

北地客悲秋色田園憶去來披衣朝易水匹馬夕燕臺風剪荷衣碎霜迎栗罅開賞心知不淺累月故人杯

下十五 同題仙游觀

仙臺初下見五城樓風物淒淒宿雨收山色遙連秦樹晚砧聲近報漢宮秋疎松影落空壇淨細草春香香開一作小洞幽何用別尋方外去人間亦自

有丹丘

中三十六 同中書劉舍人題青龍上方

西掖歸來後東林靜者期遠峯春雪裏寒竹暮天時笑說一作金人偈閑聽寶月詩更憐茶興在好出下方遲笑說一作問說

下四十九 題玉真觀李秘書院

白雲斜日影深松玉宇瑤壇知幾重把酒題詩人散後華陽洞裏有疎鐘

中三十九 宴吳王宅

玉管簫聲合金盆酒色殷聽歌吳季札縱飲漢

中山稱壽爭離席留歡輒上關莫言辭客醉猶得曳裙還

題玉山觀禪師蘭若歌

玉山宴坐移年月錫杖承恩詣丹闕先朝親與會龍華紫禁鳴鐘白日斜宮女焚香把經卷天人就席禮袈裟禪牀久卧虎溪水蘭若初聞鳳城裏不出囂塵見遠公道成何必青蓮宮朝持藥鉢千家近暮倚繩牀一室空掖垣揮翰君稱美遠客陪遊問真理薄宦深知誤此心回心願學雷居士

題薦福寺衡嶽疎師房

南薰集疎作禪

春城乞食還高論此中閑僧臘塔前一作草禪心

江上山疎簾看雪卷深戶映花關晚送門人出

鐘聲杳又玄作暝雷謁間

奉送王相公赴幽州

南薰集云奉送王相公赴范陽

黃閣開帷幄丹墀侍冕旒位高湯左相權總漢諸侯不改周南化仍分趙北憂雙旌過易水千騎入幽州塞草連天暮邊聲動地秋無因隨遠道結束佩吳鉤

送戴昶赴鳳翔幕府

青春帶文綬去事魏征西上路金羈出中人玉
筋齊當歌酒萬斛看獵馬千蹄自有從軍樂何
須怨解攜

四十二 送郢州郎使君

千人插羽迎知是范安城暮雪楚山冷春江漢
水清紅鮮供客飯翠竹引舟行一別何時見相
思芳草生

下十六 訪王起居不遇留題贈

雙龍闕下拜恩初天子令君注起居載筆已齊
周右史論詩更事謝中書行聞漏滴隨金仗入
對爐煙侍玉除賀客自知來獨晚青驪不見意
何如

下十七 送劉評事赴廣州使幕

征南官屬似君稀才子當今劉孝威蠻府參軍
趨傳舍交州刺史拜行衣前臨瘴海無人過却
望衡陽少鴈飛爲報蒼梧雲影道明年早送客
帆歸

下五十一 送客之潞府

官柳青青匹馬嘶迴風暮雨入銅鞮佳期別在
春山裏應是人參五葉齊

下
十六
送冷朝陽還上元

青絲續紆引木蘭船名遂身歸拜慶年落日澄江
烏榜外秋風疎柳白門前橋通小市家林近山
帶平湖野寺連別後依依寒食裏共君攜手在
東田

中
四十三
送李中丞赴辰州

白羽逐青絲翩翩南下時巴人迎道路蠻帥引
旌旗暮雨山開少秋江落葉遲功成益地日應
見竹郎祠

上
三
褚主簿宅會畢庶子錢員外郎使君

開甕臘酒熟主人賞同斜陽疎竹上殘雪亂
天中更喜宣城印朝廷與謝公

下
十九
送高別駕歸汴州

信陵門下識君偏駿馬輕裘正少年寒雨送歸
千里外東風沉留醉百花前身隨玉帳心應慙
官佐銅符勢又全久客未知何計是參差去借

汶陽田

下
二十
送康洗馬歸滑州

腰佩雕弓漢射聲東歸銜命見雙旌青絲玉勒
康侯馬孟水金隄滑伯城臘雪夜看宜縱飲

田誤由

錢誤餞

下誤君君誤下

賦誤泛

寒蕪晝獵不妨行
懷君又隔千山遠一作別後春
風百草生遠一作別

下五十一送客貶五溪

南過猿聲一逐臣
回看秋草淚沾巾
寒天暮雪

一作空山裏幾處蠻家
是主人

下二十一寄上田僕射

家封薛縣異諸田
報主榮親義兩全
僕射臨戎

謝安石大夫持憲
杜延年金裝畫出
羅千騎玉

案晨餐直萬錢
應念一身留闕下
闔門遥寄魯

西偏篇

中六十八送李中丞赴商州

五馬渭橋東連嘶
逐一作皆曉風當年紫髯將
他日

黑頭公不異金吾寵
兼齊玉帳雄
關營春雪下

吹角暮山空香麝
松陰裏寒猿黛
色中郡齋多

賞事好與故人同

中四十四送劉侍御赴陝州

金羈映驪驪後騎
佩干將把酒春城
晚鳴鞭曉

路長帶冰新溜澁
間雪早梅香明日
懷賢處依

依御史牀

中四十五李中丞宅夜宴送丘侍御赴江東便往

關雲一
作關營
在同字下

中卷止此

辰州

積雪臨堦夜重裘對酒時中丞違沈約才子送
丘遲一路三江上孤舟萬里期辰州佳興在他
日寄新詩

中四十六送李侍御歸宣州使幕

春草東江外翩翩北路歸官齊魏公子身逐謝
玄暉山色隨行騎鶯聲傍客衣主人池上酌携
手暮花飛

下二十二送王光輔歸青州兼寄儲侍郎

幾回一作通奏事建章宮聖主偏知漢將功身著

紫衣趨闕下口銜丹一作天詔出關東蟬聲驛路秋
山裏草色河橋落照中遠憶故人滄海別當年
好躍五花驄

中四十七東城水亭宴李侍御副使

東門留客處沽酒用錢刀秋水牀下急斜暉林
外高金羈絡驤裏玉匣閉豪曹去日隨戎幕東
風見伯勞

下二十三宴楊駙馬山池

垂楊拂岸草茸茸繡戶簾前花影重鱸下玉盤
紅縷細酒開金甕綠醅濃中朝駙馬何平叔南

國詞人陸士龍落日泛舟同醉處回潭百丈映
千峯

中四六

送秘書謝監赴江西使幕

謝監憶山程辭家萬里行寒衣傍楚色孤枕宿

潮一作

聲小寇不足問新詩應漸清府公相待日

引旆出江城

下二十四

送長史李少府入蜀

行行獨出故關遲南望千山無盡期見舞巴童
應暫笑聞歌蜀道又堪悲孤城晚閉清江上匹
馬寒嘶白露時別後此心君自見山中何事不

卷三終

相思

中四九

送江陵元司錄

新領州從事曾爲朝大夫江城竹使待山路橘
官扶片雨三江道殘秋五葉湖能令詩思好楚
色與寒蕪

十九

留別上元主簿張著

上書一見平津侯劍笏斜齊秣陵尉朝垂綬帶
迎遠客暮鎖印囊呼小吏長樂花深萬井時同
官無事有歸期回船對酒三生渚繫馬焚香五
願祠日日澄江帶山翠綠芳都在經過地行人

看射領軍堂遊女題詩光宅寺風流才調愛君
偏此別相逢定幾年惆悵浮雲迷遠道張侯樓
上月娟娟

別汜水縣尉陳

未央宮殿金開鑰詔引賢良卷珠箔花間賜食
近丹墀煙裏揮毫對青閣萬年枝影轉斜光三
道先成君激昂谷永直言身不顧却說高地轉
名香綠槐陰陰出關道上有蟬聲下秋草奴子
平頭駿馬肥少年白晢登王畿五客客舍偏留
宿一縣人家爭看歸南向千峯北臨水佳期賞

地應窮此賦詩或送鄭行人舉酒常陪魏公子
自憐寂寞會君稀猶著前時博士衣我欲低眉
問知己若將無用廢東歸

送李明府赴滑州

滑城寒食罷送客歸遠道烏帽背斜暉青驪踏
春草酒醒孤燭夜衣冷千山早去事沈尚書應
憐詞賦好

別李明府

寵光五世腰青組出入珠宮引簫鼓醉舞雄王
玳瑁牀嬌嘶駿馬珊瑚柱胡兒夾鼓越婢隨行

捧玉盤嘗荔枝羅山道士請人送林邑使臣調
象騎愛君一身遊上國闕下名公如舊識萬里
初懷印綬歸湘江過盡嶺花飛五侯煠石烹江
筍千戶沉香染客衣別後相思難可見蒼梧雲
裏空山縣漢苑芳菲入夏蘭待君障日蒲葵扇
二十五
送李舍人攜家歸江東覲省

二十青宮吏成名似者稀承顏陸郎去攜手謝
娘歸夜月迴孤燭秋風試夾衣扁舟楚水上來
往速如飛

二十二
送中兄典邵州

官騎連西向楚雲朱軒出餞晝紛紛百城兼領
安南國雙筆遙揮重左君一路諸侯爭館穀洪
池高會荆臺曲玉顏送酒銅鞮歌金管留人石
頭宿北鴈初回江燕飛南湖春暖著春衣湘君
祠對空山掩漁父焚香日暮歸百事無留到官
後重門寂寂垂高柳零陵過贈石香溪洞口人
來飲醇酒登樓暮結邵陽情萬里蒼波煙靄生
他日新詩應見報還如宣遠在安城

二十五
送端州馮使君

白晢風流似有鬚一門豪貴領蒼梧三峰亭暗

橘邊宿八桂林香節下趨玉樹群兒爭翠羽金
盤少妾揀明珠懷君樂事不可見駿馬翩翩新
虎符

上二十三

雜言送萬巨

漢相見王陵楊州事張禹雲帆木蘭曳水國蓮
花府百丈清江十月天寒城鼓角曉鐘前金鑪
促膝諸曹吏玉管繁聲美少年有時過向長干
地遠對湖光近山翠好逢南苑看人歸也向西
池留客醉疎柳垂煙橘帶霜朝游石渚暮橫塘
紅牋色奪風流座白紵詞傾翰墨場夫子前年

入朝後高名籍籍時賢口共憐詩興轉清新
遂繼家聲在此身屈指待爲青鎖客回頭莫羨白
亭人

中五十一

送劉侍御赴令公行營

東城躍紫駟西路大刀頭上客劉公幹元戎郭
細侯一軍偏許國百戰又防秋請問蕭關道胡
塵早晚秋

下二十六

送王府張參軍附學及第東歸

鄰家不識鬪鷄翁閉戶能齊隱者風顧步曾爲
小山客成名因事大江公一身千里寒蕪上單

馬重裘臘月中寂寂故園行見在暮天殘雪洛
城東

十四
送李司直赴江西使幕

歛板辭漢廷進帆歸楚幕三江城上轉九里人
家泊好酒近宜城能詩謝康樂雨晴西山樹日
出南昌郭竹露點衣巾湖煙濕局鑰主人蒼玉
佩後騎黃金絡高視領八州相期同一鷄行當
報知己從此飛寥廓

三十四
送巴州楊使君

白雲縣北于山口青歲欲開殘雪後前驅錦帶

魚皮鞮側珮金璋虎頭綬南鄭侯家醉落暉東
關陌上著鞭歸愁看野馬隨官騎笑取秦人帶
客旗使者下車憂疾苦豪吏銷聲出公府萬里
歌鐘相慶時巴童擊節渝兒舞

五十二
送蘇州姚長史

江城驛路長煙樹過雲陽舟領青絲纜人歌白
玉郎葛衣行柳翠花簾宿荷香別有心期處湖
山滿訟堂

五十三
送金華王明府

縣舍江雲裏心閑境又偏家資陶令酒月俸沈

郎錢黃檗香山路青楓暮雨天時聞引車騎竹
外尚一作到銅泉

中五十四送田倉曹汴州覲省

拜慶承天寵朝來辭漢宮玉杯分湛露金勒借
追風古驛秋山下平蕪暮雨中翩翩魏公子人
看渡關東

中五十五送張渚赴越州

白面誰家郎青驪照地光桃花開綬色蘇合借
衣香暮雪連峯近春江海市長風流似張緒別
後見垂楊

中五十六奉和元相公家園即事寄王相公

共列中台貴能齊物外心回車青閣晚解帶碧
茸深寒水分畦入晴花度竹尋題詩更相憶一
字重千金

中五十七送齊明府赴東陽

綠絲帆繹桂爲檣過盡淮山楚水長萬里移家
背春穀一官行府向東陽風流好愛杯中物豪
蕩仍欺陌上郎別後心期如在眼猿聲煙色樹
蒼蒼

中五十八雜言送王侍御赴江西兼寄李袁州

中朝理章服南國隨旌旆臘酒湘城隅春衣楚
江外垂簾白角簟下筇鱸魚鱠雄筆佐名公虛
舟應時輩按俗承流幾路清平明山靄暮江雲
湓城詩贈魚司馬汝水人逢王右軍綠蘋白芷
遙相引孤興幽尋知不近井上銅人行見無湖
中石燕飛應盡禮門前直事節郎腰垂青綬領
宜陽花間五馬迎君日雨霽煙開玉女岡

中五十七 送道士姪歸池陽

銀角桃枝杖東門贈別初幽州尋馬客灞岸送
驢車野飯秋山靜行衣落照餘燕南群從少此

去意何如

中五十六 送營城李少府

懷祿兼就養更憐趨府心晴山東里近春水北
門深新綬映芳草舊家依遠林還乘鄭小駟躑
躑縣城陰

上二十六 寄雍丘竇明府

少年結綬騁金羈許下如看瓊樹枝入里親過
朗陵伯出門高視潁川兒西游大府東乘傳泗
上諸侯誰不羨時輩寧將白筆期高流竚向丹
霄見何事翻飛不及群虎班笑騎來紛紛吳江

垂釣楚山醉身寄滄波心白雲中歲胡塵靜如
掃一官又罷行將老薛公薦士得君初首領黃
金千室餘機盡獨親沙上鳥家貧唯愛釜中魚
出重門煙樹裏感物吟詩
對暮天懷人倚杖臨秋水別離幾日問前期鳴
鴈亭邊人去時獨坐不堪朝與夕高風蕭索亂

蟬悲

中一
五言律詩

贈別韋兵曹歸池州

南陵八月暮天色遠峯前楚竹青陽路吳江赤
馬船簾金諸客貴佩玉主人賢終日應相逐歸

期定幾年

上二十七

贈兗州孟都督

少年親事冠軍侯中歲仍遷北兗州露冕寧誇
漢車服下帷常討魯春秋後齋草色連高閣事
簡人稀獨行樂閑心近掩陶使君詩興遙齊謝
康樂遠山重疊水逶迤落日東城閑望時不見
雙親千金辨豐膳能留五馬盡佳期北塲爭轉黃金
勒愛客華亭賞秋色捲簾滿地鋪氍毹吹管鳴
絃開玉壺願學平原十日飲此時不忍歌驪駒

下二十八

魯中送李從事歸滎陽

故園衰草帶榮波歲晚知如客思何輕索歸時
魯縞滿寒衣縫處鄭綿多萬人都督鳴騶送百
里邦君枉騎過累路盡逢知已在曾無對酒不
高歌

下三十三陪孟都督祭岳途中有贈

封疆七百里祿秩二千石擁節祠太山寒天霜
草白

中五十九魯中送魯使君歸鄭州

城中金絡騎出餞沈東陽九月寒露白六關秋
草黃齊謳聽處妙魯酒把來香醉後著鞭去梅

山道路長

上五祭岳回重贈孟都督

聖封作天齊王清祠泰山下魯公秋賽畢曉日迴
高駕從騎盡幽并同人皆沈謝自矜文武足一
醉寒溪夜

上二十八留別孟都督

平蕪霽色寒城下美酒百壺爭勸把連呼寶劍
銳頭兒少駐金羈大宛馬一飲留勸分有餘寸
心懷惠復何如他時相憶若相問青鎖門前開
素書

下五十二 送齊山人歸長白山

舊事仙人白兔公
棹頭歸去又乘風
柴門流水依然在
一路寒山萬木中

中六十一 送夏侯校書歸上都

後輩傳佳句
高流愛美名
青春事賀監
黃卷問張生
暮雪重裘醉
寒山疋馬行
此回將詰闕
幾日諫書成

中六十二 送李明府赴連州 一本府下有赴字

萬里向南湘
孤舟入桂陽
諸侯迎上客
小吏拜官郎
春服種花細
初筵木槿芳
看承雨露速
不

向誤四

待荔枝香

上二十九 送別鄭明府

長頭大鼻鬚如雪
早歲連兵劍鋒折
千金盡去無斗儲
雙袖破來空百結
獨戀郊扉已十春
高陽酒徒連此身
路傍誰識鄭公子
谷口應知漢逸人
兒女相悲探井日
前功豈在他人後
勸君不得學淵明
且策驢車辭五柳

下三十四 六言宿甌山

山中今夜何人闕
下當年近臣青瑣
應須早去白雲何
用相親

闕誤門

中六十二
送盧大理趙侍御祭東嶽兼寄孟兗州
東嶽昔有事兩臣朝望歸驛亭開歲酒齋舍著
新衣上客鍾大理主人陶武威仍隨御史馬山
路滿光輝

下三十五

六言別甌山

一身趨侍丹墀西路翩翩去時惆悵青山綠水
何年更是來期

上三十一

雜言贈別王侍御赴上都

翩翩馬上郎執簡佩銀章西向洛陽歸鄆杜回
頭結念蓮花府朝辭芳草萬歲街暮宿春山一

泉塢青青樹色傍行衣乳燕流鶯相間飛遠過
三峯臨八水幽尋佳賞偏如此殘花片片細柳
風落日踈鐘小槐雨相思掩泣復何如公子門
前人漸踈幸有心期當小暑葛衣紗帽望回車
上六
送南少府歸壽春

人言壽春遠此去先秋到孤客小翼舟諸生高
翅帽淮風生竹簟楚雨移茶竈若上八公山題
詩一相報

下二十九

兗州送李明府使蘇州便赴告期

莫言水國去迢迢白馬吳門見不遙楓樹林中

經楚雨木蘭舟上躡江潮空山古寺千年石草
色寒堤百尺橋早晚盧家蘭室外珊瑚玉佩徹
青霄

中
六十三
送皇甫大夫赴浙東

舟師分水國漢將領秦官麾下同心吏軍中新
樣端吳門秋露濕楚驛暮天寒豪貴東山去風
流勝謝安

下
三十一
送田明府歸終南別業

故園此日多心賞窻下流泉竹外雲近館應逢
沈道士比鄰自識卞田君離宮樹影登山見上

趨
誤
移

苑鐘聲過雪聞相勸早趨丹鳳闕不須常戀白
鷗群

上
三十一
贈別太常李博士兼寄兩省舊遊

兩年戴武弁趨侍明光殿一朝簪惠文客事信
陵君簡異當朝執香非寓直薰差肩何記室攜
手李將軍玉鐙初回酸棗館金鈿正舞石榴裙
忽驚萬事隨流水不見雙旌逐塞雲感舊撫心
多戚戚與君相遇頭初白暫誇五首軍中詩還
憶萬年枝下客昨日留歡今送歸空披秋水映
斜暉閑吟佳句對孤鶴惆悵寒霜落葉稀

歡
誤
歎

一作天霜
雪落稀

上七

贈別崔司直赴江東兼簡常州獨孤使君

愛君青袍色芳草能相似官重法家流名高墨
曹吏春衣淮上宿美酒江邊醉楚酪沃雕胡湘
羹糝香餌前朝山水國舊日風流地蘇山逐青
驄江家驅白鼻右軍尚年少三領東方騎亦過
小丹陽應知百城貴

上三十二

雜言寄哥舒僕射

萬里長城家一生唯報國腰垂紫艾綬手控黃
金勒高視黑頭翁遙吞白騎賊先麾牙門將轉

鬪黃河北帳下親兵皆少年錦衣承日繡行纏
轆轤寶劍初出鞘宛轉角弓初一作爭上弦步又抽
箭大如笛前把兩矛後雙戟左盤右射紅塵中
鶻入鴉群有誰敵殺將破軍白日餘迴船舞旆
北風初郡公楯鼻好磨墨走馬為君飛羽書
上三十三 贈別華陰道士

紫府先生舊同舍腰垂彤管貯靈藥耻論方士

小還丹好飲仙人太玄酪芙蓉山頂玉池西一

室平臨萬仞溪晝灑瑤臺五雲濕夜行金燭七

星齊迴身暫下青冥裏方外相尋有知己賣鮓

市中何許人釣魚坐上誰家子青青百草雲臺
春煙駕霓裳白角巾露葉獨歸仙掌去迴風片
雨謝時人

上三十四 送崔秀才赴上元兼省叔父

寒塘斂暮雪臘鼓迎春早疋馬五城人重裘千
里道淮山輕露濕江樹狂風掃楚縣九醞醲揚
州白花好練湖東望接雲陽女市西遊入建康
行樂遠誇紅布施風流近睹紫香囊詩家行輩
如君少極目苦心懷謝眺煙開日上版橋南吳
岫青青出林表

上卷止此

下三十六 六言送陳明府赴淮南二首

年華近過清明落日微風送行黃鶯綿蠻芳樹
紫騮躑躅東城花間一杯促膝煙外千里含情
應渡淮南信宿諸侯擁旆相迎

中六十四 送韋秀才

東人相見罷秋草獨歸時幾日孫弘閣當年謝
眺詩寒山葉落早多雨路行遲好憶金門步功
名自有期

下五十四 河上寄故人雜言

河流曉天濮水清煙日暖昆吾臺上春深顛顛

雜言改作二首并点竄詩句
殆就六言為之此大謬殊不知
舊題雜言因長短句也明人
不通每作如此

城邊鶯聲亂啁鴻 花片細點龍泉西望情人
早至猶應得醉芳年

下五十三

寄裴鄆州

下卷上此

烏紗靈壽對秋風 悵望浮雲濟水東
官樹陰陰鈴閣暮 州人轉憶白頭翁

絕句作韻

附記明刻之誤

口流曉天濶水清煙日暖吳吾且至春深綉頭城邊鶯聲啁鴻
柳枝輕拂江岸花片細點龍泉西望情人早至猶應得醉芳年

韓君平詩集

癸丑三月借獨山莫氏藏明活字本校一過厚本分三卷
次第不同各釋其每首上此本送送客還江東七律一
首明本無之 沈林

韓君平詩集補遺

梁城贈一二同幕

五營河畔列旌旗 吹角鳴鞞日暮時
曾是信陵門下客 兩迴相弔不勝悲

扈從郊廟因呈兩省諸公

丹墀列士主恩同 廐馬翩翩出漢宮
奉引乘輿金仗裏 親嘗賜食玉盤中
晝趨行殿旌門北 夜宿齋房刻漏東
明日駕迴承雨露 齊將萬歲及春風

寄令狐尚書

立身榮貴復何如龍節紅旗從板輿妙畧多推
霍驃騎能文獨見沈尚書臨風高會十門一作帳
映水連營百乘車他日感恩慙未報舉家猶似
涸池魚

送劉長上歸城南別業

數刻是歸程花間落照明春衣香不散駿馬汗
猶輕南渡春流淺西風片雨晴朝還會相就飯
爾五侯鯖

贈張五諲歸濠州別業

常知罷官意果與世人踈復此涼風起仍聞濠

上居故山期採菊秋水憶觀魚一去蓬蒿逕羨
君閑有餘以上均見文苑英華

韓君平詩集補遺

沅州丈嘯用浴字本覆勘得异字十餘君平為大
歷十子之七律尤多雅音通江城五馬楚雲邊
幾回奏事建章宮等篇覺開寶諸公去人不
遠書錄解題載集五卷活字本三卷未知所出
之源較之席刻統為一卷編次亦倫則以疎也

三月廿五日保山吳慈培

中卷送李明府赴連州第五句春服種花細按文送左思

連州亦產種也此刻誤種作種成何理耶

海源閱藏舊鈔本為葉石君所錄其前後影葉錄

唐詩紀事及補入並草名詩審為君親筆所書石君

因錢氏本以朱筆校黃美在依明刻成法刊存以墨筆校

其底本與此序列不同頗難移寫因擇兩家異字錄於

行間亦知於校例殊亦第年老懶於重校聊極其佳勝以

便祇補身庚午十月十四日沈村沈於藏園長春家



張祠部詩集

祠部員外郎張

繼 懿孫

二六

陸沉詩上禮部楊侍郎

一作感懷

調與時人背心將靜者論終年帝城裏不識五

侯門

二七

長相思

遼陽望河縣白首無人見海上珊瑚枝年年寄

春燕

二八

奉寄皇甫補闕

京口情人別久揚州估客來踈潮至潯陽回去

相思無處通書

酬張繼

皇甫冉

懿孫余之舊好祇役武昌以六言
詩見懷余以七言裁畝蓋拙於事
者繁而費

悵望南徐登北固迢迢西塞望一作隈東關落日
臨川問音信寒潮唯帶夕陽還

十九

楓橋夜泊

中興間氣作
夜泊松江

月落烏啼霜滿天江楓漁火英華對愁眠姑蘇城
外寒山寺夜半鐘聲到客船

二十

閶門即事

耕夫占

英華
作召

募逐樓船春草青青萬頃田試上吳

門看郡郭清明幾處有新煙

二十一

安公房問法

流年一日復一日世事何時是了時試向東林
問禪伯遣將心地學琉璃

二十二

上清詞

紫陽宮女捧丹砂王母令過漢帝家春風不肯
停仙馭卻向蓬萊看杏花

二十三

送顧况泗上覲叔父

吳鄉回首足嘉賓後進之中見此人別業更臨
洙泗上擬將書卷對殘春

留別

何事千年遇聖君坐令雙鬢老江雲南行更入
山深淺岐路悠悠水自分

六 清明日自西午橋至瓜嚴村有懷

晚霽龍門雨春生
穴風鳥啼官路靜花發毀
垣空鳴玉慚時輩垂絲學老翁舊遊人不見惆

七 悵洛城東

洛陽作初出徽安門

洛陽天子縣金谷石家鄉草色侵官道花枝出
苑墻書成休逐客賦罷遂為郎貧賤非吾事西

游當一作思自強

八 晚次淮陽

微涼風葉下楚俗轉清閑候館臨秋水郊扉掩
暮山月明朝漸滿

英華作近

露濕雁初還浮客了無定

九 萍流淮海間

四 會稽秋晚奉呈于太守

寂寂訟庭幽森森戟戶秋山光隱危堞湖色上
高樓禹穴探書罷天台作賦遊雲浮將越客歲

晚共淹留

三 春夜皇甫冉宅對酒

歡宴 紀事作對酒

流落時相見悲歡共此情興因尊酒洽愁為故人輕暗滴花垂露一作淚斜暉月過城那知橫吹曲

江外作邊聲

十四

送郗紹充河南租庸判官

英華作送鄒判官往陳留

齊宋

一作魯

分巡

英華作傷心

地頻年此用兵女停襄邑杼農

廢汶陽耕使者

英華作國使者

乘軺去諸藩

英華作侯

擁節即迎深仁

佐

英華作蒞又作賴

君子薄賦卹黎甿火燎原猶熱風

英華作波 搖

海未平應將否泰理一問魯諸生

十二

會稽郡樓雪霽

英華作望雪

江城昨夜雪如花郢客登樓望霽華夏禹壇前

仍聚玉西施浦

英華作作者

上更飛

英華作飄

沙簾櫳向晚寒風

度睥睨初晴落景斜數處微明銷不盡湖山青

映越人家

十五

酬李書記校書越城秋夜見贈

東越秋城夜西人白髮年寒城警刁斗孤憤抱

龍泉鳳輦栖岐下鯨波鬪洛川量空海陵粟賜

汎水衡錢投閣嗤揚子飛書代魯連蒼蒼不可

問予亦賦思玄

九

送竇十九判

英華有官使二字

江南

遊宦淹星紀裁詩練土風今看乘傳去那與問

津同南郡迎

英華作過

徐子臨川謁謝公思歸一惆悵

于越古亭中

十

江上送客遊廬山

楚客自相送霑裳春水邊晚來風信好併發上

江船花映新林岸雲開瀑布泉愜心應在此佳

句向誰傳

奉送王相公赴幽州

黃閣開幃幄丹墀拜

英華作傳

冕旒位高湯左相權總

漢諸侯不改周南化仍分趙北憂雙旂過易水

千騎入幽州塞草連天暮邊風動地愁無因隨

英華作陪

遠道結束佩吳鉤

送張中丞歸使幕

獨愛

英華作受

主人歸當朝似者稀玉壺分御酒金殿

賜春衣拂席流鶯醉鳴鞭駿馬肥滿臺簪白筆

捧手戀清暉

褚主簿宅會畢庶子錢員外郎使君韓

翊

開甕臘酒熟

英華作熟

主人賞同暮天踈竹上殘雪

亂山中更喜宣城印朝廷與謝公

華州夜宴庾侍御宅

世故他年別心期此夜同千峰孤燭外片雨一
更中酒客逢山簡詩人得謝公自憐驅匹馬拂
曙向關東

二 酬張二十員外前國子博士竇叔向

故交日零落心賞寄何人幸與馮唐遇心同跡

復親語言未終日英華作夕離別又傷春結念湓城下

聞猿詩興親

二 登丹陽樓

寒臯那可望旅客又初還迢遞高樓上蕭疎涼

野間暮晴依遠水秋興屬連山浮客時相見霜

凋朱翠顏

一 郢城西樓吟

連山盡寒水滌迴山上戍門臨水開朱欄直下

一百丈日暖游鱗自相向昔人愛險閉層城今

人復愛閑江清沙洲楓岸無來客草綠花開山

鳥鳴

十三 馮翊西樓末句缺五字

城上西樓倚暮天樓中歸望正悽然近郭亂山

橫古渡野莊喬木帶新煙北風吹雁聲能苦遠
客辭家月再圓陶令好文常對酒相招

五

題嚴陵釣臺

舊隱人如在清風亦似秋客星沉夜壑釣石俯
春流鳥向喬枝聚魚依淺瀨浮英華作游古來芳餌下
誰是不吞鈎

金谷園

綵樓歌館正融融一騎星飛錦帳空老盡名花
春不管年年啼鳥怨東風

重經巴丘

昔年高接李膺歡日汎仙舟醉碧瀾詩句亂隨
青草落酒腸俱逐洞庭寬浮生聚散雲相似往
事冥微夢一般今日片帆城下去秋風回首淚
闌干

九日巴丘楊公臺上宴集

淒淒霜日上高臺水國秋深客思哀萬疊銀山
寒浪起一行斜字早鴻來誰家搗練孤城暮何
處題衣遠信回江漢路長身不定菊花三笑旅
懷開

人日代客子是日立春

人日兼春日長懷復短懷遙知雙彩勝併在一
金釵

春申君祠

春申祠宇空山裏古栢陰陰石泉水日暮江南
無主人彌令過客思公子蕭條寒景傍山村寂
莫誰知楚相尊當時珠履三千客趙使懷慚不
敢言

郵亭

雲淡山橫日欲斜郵亭下馬對殘花自從身逐

征西府每到開時不在家

山家

板橋人渡泉聲苑檐日午雞鳴莫嗔焙茶煙暗
却喜晒穀天晴

歸山

心事數莖白髮生涯一片青山空林有雪相待
古道無人獨還

游靈巖

靈巖有路入煙霞臺殿高低釋子家風過迴廊
飄隊土葉水流絕澗汎秋花青松閱世風霜古翠

竹題詩歲月賒誰謂無生真可學山中亦自有
年華

河間獻王墓

漢家宗室獨稱賢遺事閑中見舊編偶過河間
尋往跡却憐荒塚帶寒煙頻求千古書連帙獨
對三雄策幾篇雅樂未興人已逝雄歌依舊大
風傳

贈章八元

相見談經史江樓坐夜闌風聲吹戶響燈影照
人寒俗薄交游盡時危出處難衰年逢二妙亦

得悶懷寬

寄鄭負外

經月愁聞雨新年苦憶君何時共登眺整屐待
晴雲

飲李十二宅

重門敞春夕燭燭藹餘輝醉我百尊酒留連夜
未歸

城西虎跑寺

石勢虎蹲伏山形龍屈盤寺開梁殿閣墳掩晉
衣冠出澗泉聲細斜陽堦影寒近城多樓

息此中安

宿白馬寺

白馬馱經事已空
斷碑殘刹見遺踪
蕭蕭苑屋秋風裏
一夜雨聲羈思濃

秋日道中

齊魯西風草樹秋
川原高下過東州
道邊白鶴來華表
陌上蒼麟卧古丘
九曲半應非禹跡
三山何處是仙洲
經行俯仰成今古
却當年賦遠遊

明德宮

碧瓦朱楹白晝閑
金衣寶扇曉風寒
摩雲觀閣高如許
長對河流出斷山

華清宮

天寶承平奈樂何
華清宮殿鬱嵯峨
朝元閣峻臨秦嶺
羯鼓樓高俯渭河
玉樹長飄雲外曲
霓裳閑舞月中歌
只今惟有溫泉水
嗚咽聲中感慨多

讀嶧山碑

六國平來四海家
相君當代擅才華
誰知頌德山頭石
却與他人戒後車

附錄

哭張負外

時負外伉儷
歿於洪州

劉長卿

白簡曾連拜滄洲每共思撫存憐稚齒歎逝
顧身衰自此辭張邵何由見戴逵獨聞山吏
部流涕訪孤兒

此詩劉集不載

張祠部詩集

乙卯十月二十日
筆記云張中郎
之數合也
既林
群碧梅歲舊鈔本校過
序刻而多者正與詩記